

FIL2A08D – ETUDE DE TEXTES MODERNES

BUHAY NOON AT NGAYON

ni Gregorio V. Bituin Jr.

Noon, gumigising ang tao
pag tandang na ay tumilaok
Ngayon, gumigising ang tao
pag umalarma na ang cellphone

Noon, may sinangag at tuyong
sabay kumain ang pamilya
Ngayon, mag-Jollibee o McDo
kumain ka kahit mag-isa

Noon, lumabas ka ng bahay
langhap mo ang hanging sariwa
Ngayon, pag-alis mo ng bahay
sa usok na'y natutulala

Noon, kapag madaling araw
kay-aga ng taong gumising
Ngayon, sumikat na ang araw
tanghali na'y himbing na himbing

Buhay nga noon ay simple lang
ngunit tao'y pawang masaya
Kahit buhay noo'y mabagal
ngunit nakakaraos sila

Buhay ngayon ay mabilisan
walang pakialaman sila
Pag di sumabay maiiwan
sa bilis ng teknolohiya.